

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA VISOKO
OPĆINSKA NAČELNICA**

Na osnovu člana 66. Zakona o pravima, obavezama i odgovornostima pacijenata („Službene novine FBiH“, broj: 40/10), člana 14. Zakona o zdravstvenoj zaštiti (Službene novine FBiH“, broj: 46/10) i člana 33. i 91.d Statuta općine Visoko («Službeni glasnik općine Visoko», broj 1/11 i 8/13), Općinska načelnica Visoko upućuje

**JAVNI POZIV
za imenovanje Zdravstvenog savjeta općine Visoko**

I

Općinska načelnica Visoko upućuje Javni poziv za imenovanje Zdravstvenog savjeta općine Visoko.

II

U cilju ostvarivanja društvene brige za zdravlje na nivou Općine osniva se Zdravstveni savjet općine Visoko.

Zdravstveni savjet općine Visoko:

- planira i evaluira provođenje zdravstvene zaštite na području općine Visoko,
- daje mišljenja na planove i programe zdravstvene zaštite za područje općine Visoko,
- predlaže mjere za poboljšanje dostupnosti i kvaliteta zdravstvene zaštite,
- prati povrede prava pacijenata i poduzima mjere za unapređenje tih prava na području općine Visoko,
- podnosi Općinskom vijeću godišnji izvještaj o svom radu,
- te obavlja i druge poslove i zadatke u skladu sa Zakonom o pravima, obavezama i odgovornostima pacijenata i Zakonom o zdravstvenoj zaštiti.

III

Zdravstveni savjet broji jedanaest članova i čine ga:

- predstavnici Općine (dva člana),
- predstavnici pacijenata i udruženja za zaštitu prava pacijenata (dva člana),
- predstavnici stručnih udruženja (jedan član),
- predstavnici zdravstvenih sindikata (jedan član),
- predstavnici zdravstvenih ustanova (jedan član),
- predstavnici Crvenog krsta i sličnih udruženja (jedan član),
- predstavnici ostalih institucija iz oblasti zdravstva (jedan član),
- predstavnici udruženja mladih (jedan član) i
- predstavnici udruženja penzionera (jedan član).

Zdravstveni savjet imenuje Općinska načelnica, na osnovu javnog poziva, na period od četiri godine.

IV

Prijedloge za članove Zdravstvenog savjeta na Javni poziv dostavljaju: institucije, ustanove, udruženja, nevladine organizacije i zdravstveni sindikat, čiji predstavnici formiraju Zdravstveni savjet u skladu sa Statutom općine Visoko.

V

Kandidat treba da ispunjava slijedeće uslove:

1. da je punoljetni državljanin Bosne i Hercegovine,
2. da ima minimalno tri godine iskustva u instituciji, ustanovi, udruženju, nevladinoj organizaciji ili zdravstvenom sindikatu koji ga kandidiraju,
3. da uživa ugled i ima evidentne rezultate rada u oblasti u kojoj djeluje.

VI

Prijava treba da sadrži kraću biografiju o kandidatu, adresu i kontakt telefon kandidata, te dokaze o ispunjavanju uslova:

1. uvjerenje o državljanstvu,
2. dokaz o iskustvu u radu u instituciji, ustanovi, udruženju, nevladinoj organizaciji ili zdravstvenom sindikatu koji ga kandidiraju,
3. dokaz o rezultatima rada u oblasti u kojoj djeluje.

VII

Općinska načelnica formirat će Komisiju za provođenje Javnog poziva koja će, na osnovu pristiglih prijava, predložiti Općinskoj načelnici listu kandidata za imenovanje u Zdravstveni savjet općine Visoko.

VIII

Javni poziv objavljen je na oglasnoj ploči Općine Visoko dana 18.2.2014. godine, a objavit će se i na web stranici Općine Visoko (visoko.gov.ba) i u programu JP Radio i televizija Visoko.

Rok za podnošenje prijava je 15 dana od dana objave na oglasnoj ploči Općine Visoko.

Prijave sa potrebnom dokumentacijom treba dostaviti na adresu: Općinska načelnica Visoko, Ulica Alije Izetbegovića 12A, 71300 Visoko, sa naznakom „Prijava na Javni poziv za imenovanje Zdravstvenog savjeta - ne otvarati“.

Neblagovremene i nepotpune prijave neće se uzimati u razmatranje.

Broj: 01/2-02-192/14
18.2.2014. godine

OPĆINSKA NAČELNICA VISOKO
Amra Babić